

濟陰綱目卷之十四

關中 武之望叔卿父著輯 武林 薛 芳汝楫父訂正

西陵 汪 淇儋漪子箋評 天都 查 望于周父叅閱

○泄瀉

郭稽中曰。產後腹痛及泄利者何。答曰。產後腸胃虛怯。寒邪易侵。若未滿月。飲冷當風。乘虛襲留於盲膜。散於腹脇。故腹痛作陣。或如錐刀所刺。流入大腸。水穀不化。洞瀉腸鳴。或下赤白。胠脇腹脹。或痛走不定。急服調中湯立愈。若醫者以爲積滯。取之。禍不旋踵。謹之謹之。

陳無擇評曰。產後下痢。非止一證。當隨所因而調之。旣云飲冷當

此法中再審虛實乃當

此十一法須體酌純熟然只用八方加減可謂要而約矣而八方之中以六君子加味者五補中益氣者二而益黃四神八味腎氣等藥或兼或專真切減當於此得心其他亦可變通矣又何慮方之不廣用之不神歟

風何所不至。寒熱風濕本屬外因。喜怒憂思還從內性。况勞役饑飽皆能致病。若其洞泄可服調中湯。赤白帶下非此能愈。各隨門類別有三方。

薛氏曰。產後瀉痢。或因飲食傷損脾土。或脾土虛不能消食。當審而治之。若米食所傷。用六君子加穀蘖。若麪食所傷。用六君子加麥蘖。若肉食所傷。用六君子加山楂神麪丸。兼嘔吐。皆加藿香。若兼噤酸。或嘔吐。用前藥。送越鞠丸。若肝木來侮脾土。用六君子加柴胡炮薑。若寒水反來侮土。用錢氏益黃散。若久瀉。或元氣下陷。兼補中益氣湯。以升發陽氣。若瀉痢色黃。乃脾土真氣。宜加木香肉果。若脾土虛寒。當用六君子加木香薑桂。若脾腎虛寒。用補中益氣及

四神丸。若屬命門火衰。而脾土虛寒。用八味丸以補土母。若小便
瀦滯。肢體漸腫。或兼喘咳。用金匱腎氣丸以補脾腎。利水道。若腎
氣虛弱。而四肢浮腫。治須補胃爲主。若久而不愈。或非飲食所傷
而致。乃屬腎氣虧損。蓋胞胎主於任。而繫於腎。況九月十月。乃腎
與膀胱所養。必用四神六味八味三藥以補腎。若用分利導水之
劑。是虛其虛也。

一產婦瀉痢發熱作渴。吐痰甚多。肌體消瘦。飲食少思。或胸膈痞
滿。或小腹脹墜。年餘矣。余以爲脾腎瀉。朝用二神丸。夕用六君子。
三月餘而痊。

一婦產後泄瀉兼嘔吐。噯酸。面目浮腫。此脾氣虛寒。先用六君加

加木香薑桂而
此止加炮薑一
味為主是又不
必拘於一定之
法矣

嘗証蜜脉用藥
俱當具法服者
能之

此法據前條止
用補中四神而
此又加一十全
大補可見須因
症用藥毋執泥
也

炮薑為主佐以越鞠丸而噤酸愈。又用補中益氣加茯苓半夏而脾胃康。

一產婦泄瀉年餘。形體骨立。內熱晡熱。自汗盜汗。口舌糜爛。日吐痰三碗許。脉洪大重按全無。此命門火衰脾土虛寒而假熱也。吐痰者乃脾虛不能統攝歸源也。用八味丸補火以生土。用補中益氣湯兼補肺金而脾胃健。

一產婦腹痛後重。去痢無度。形體倦怠。飲食不進。與死為鄰。此脾腎俱虛。用四神丸十全大補湯而愈。但飲食難化。肢體倦怠。用補中益氣而康。

一婦人五月患痢。日夜無度。小腹墜痛。發熱惡寒。用六君子湯送

此症若只擬前法而用六君補中不用升陽益胃便非活法故知立言之中有不言之妙所謂言不盡意也

香連丸二服漸愈仍以前湯送四神丸四服全愈至七月終急情嗜臥四肢不收體重節痛口舌乾燥飲食無味大便不實小便頻數洒慄惡寒悽慘不樂此肺與脾胃俱虛而陽氣虛寒不伸也用升陽益胃湯而痊

汪石山治一婦產後滑泄勺水粒米弗容時卽泄下如此半月餘衆皆危之或用五苓散平胃散病益甚汪診之脉皆濡緩而弱曰此產中勞力以傷其胃也若用湯藥愈滋胃濕非所宜也令以參苓白朮散除砂仁加陳皮肉豆蔻煎薑棗調服旬餘而安調中湯治產後腸胃虛怯冷氣乘之腹脇刺痛洞泄不止

良薑

當歸

酒浸

肉桂

不見火

白芍

炒

川芎

附子

炮去皮尖
各一兩

人參

甘草

炙各
半兩

右咬咀每服三錢水煎服

荳蔻理中丸

治產後元氣虛弱。臍腹疼痛。泄瀉不止。又治男子

脾胃虛弱。久泄不止。

人參

一兩

白朮

二兩

乾薑

炮

甘草

炙各
五錢

肉豆蔻

麩裹煨
七錢

右爲細末煉蜜丸如桐子大每服四五十丸空心米飲下酒煮麩糊丸亦可

神効參香散

治產後脾胃虛寒。泄瀉洞下。及痢疾日久穢積已

盡滑瀉不止。此收瀝如神。

人參

木香

各二錢

肉豆蔻

煨

白茯苓

白扁豆

各四錢

此收瘧之劑陳皮與粟殼相等得處方之妙

陳皮

罌粟殼

去蒂穰醋炙各一兩

右爲細末每服一錢七清米飲調下食遠服

萬曆己亥余官金陵內人十二月產難經宿始婉越旬日洞瀉點水入口卽下內人恐懼大哭自謂必死余偶有此藥用一錢以米飲調服纔下咽瀉卽止真起死廻生之藥也

痢疾

黃赤爲熱青之爲寒此古人之論曰河間論出不分五色均以

大全云產後痢疾者由產勞傷臟腑不足日月未滿虛乏未復或勞動大早或誤食生冷若行起太早則外傷風冷乘虛入於腸胃若誤食生冷則難化之物傷於脾胃皆令洞泄水瀉甚者變爲痢也若血滲入大腸則爲血痢難治世謂之產子痢也得冷則白或如魚腦得熱則赤黃或爲驟血若冷熱相搏則下痢赤白或膿血

爲熱豈古今不
同歟大槩始於
傷冷久變爲熱
故熱者多而寒
者少未可概以
寒也必因症
求之爲當

相雜。若下痢青色。則極冷也。若飲食不進。便利無常。日夜無度。產
後本虛。更加久痢不止。無力瘦之。愈見羸弱。謂之虛羸。下痢又有
產後氣血不順而下痢赤白。謂之氣痢。治之之法。熱則涼之。冷則
溫之。冷熱相搏。則調之。滑者澀之。虛羸者補之。水穀不分者。當利
小便。若產婦情性執着。不能寬解。須當順其氣。未有不安者也。
薛氏曰。前證白屬氣分。而赤屬血分也。其論詳見瀉利。
一產婦食雞子。腹中作痛。面色青黃。服平胃二陳。更下痢腹脹。服
流氣飲子。又小腹一塊。不時上攻。飲食愈少。此脾胃虛寒。肝木剋
侮所致。用補中益氣。加木香。吳茱萸。漸愈。又用八珍大補。兼服調
理尋愈。

若果脉大無力
可不溫補而乃
用黃芩芍藥湯
者以遷墜極痛
之症爲積滯未
去也故從症不
從脉焉
凡理氣虛不能
致津液以養臟
腑而渴者宜一
味白朮煎湯代
茶庶無水腫之
患

一婦產後痢未至月滿因食冷物及酒冷熱與血攻擊滯下純血
纏墜極痛其脉大無力口乾用黃芩芍藥湯三服而安
產後下痢作渴者水穀之精化爲血氣津液以養臟腑臟腑虛燥
故痢而渴若引飲則難止反溢水氣脾胃既虛不能剋水水自流
溢浸漬皮膚則令人腫但止其渴痢則自瘥
薛氏曰痢證若渴而不喜飲冷屬胃氣虛不能生津液宜用七味
白朮散夜間發熱口渴屬腎水弱而不能潤宜用六味丸並佐以
益氣湯以滋化源

救急散 治產後赤白痢腹中絞痛

白芍

阿膠

艾葉

熟地黃

各一兩

當歸

此以四物湯去
川芎加艾膠所
以止血也而端
甘各用三兩爲

君所以和氣血而止腹痛耳妙在甘以緩之

二方一為氣虛一為血虛而前方妙在分兩此方重在虛滑不然參朮果豈常試之味

白頭翁湯原仲景治協熱毒痢藥而脉經加膠以治熱產極虛然非此痢下

甘草 各三兩

右咬咀水煎分二服空心飲

加味四君子湯 治產後赤白痢神効

人參

白朮

白茯苓

甘草 炙

黃耆 各一錢

瞿粟殼 炙去蒂五分

右剉水煎

以上二方治虛滑

白頭翁加甘草阿膠湯

治產後下痢虛極

脉經作熱痢重下新產虛極者

白頭翁

甘草 炙

阿膠 炒各二錢

黃連

黃蘗

秦皮 去皮各三錢

白頭翁湯

前以四君裏壳
治氣虛而滑此
以四物藥壳以
治血熱虛滑氣
血之分智者自
辨而止澁之劑
非滑勿投慎之

此方以三黃解
毒為主非真熱
勿用辨之

右剉作二服水煎納膠令消盡溫服

槐連四物湯

治產後熱滑血痢臍腹疼痛

當歸

川芎

赤芍藥

生地黃

槐花

黃連

炒各一錢

御米殼

去蒂蜜炙五分

右剉水煎服

黃連丸

治產後熱滑赤白痢腹中攪痛不可忍

黃連

四兩

黃芩

黃栢

梔子仁

阿膠

蒲黃

各一兩

當歸

二兩半

右爲末煉蜜丸如桐子大每服六七十丸米飲下日三夜一

以上三方治熱滑

以下出症字字
真切不落一空
用此方者須知
集方之心所謂
無妄之藥勿試
也

以血瀉而用姜
桂人所難信而
謂寒滑不禁又
所當遵夫學道
愛人用方者宜
体認之

此方以神仙感
應為名必非虛
語然以為食葷
早而致泄者脾
胃必虛故用參
朮而神效為化
食之用枳壳佐

神効參香散 治痢疾日久穢積已少腹中不痛或微痛不窘但

滑溜不止乃收功之後藥也

方見前泄瀉

一方 治產後血瀉不禁餘血作痛兼塊屬寒滑者

桂心

乾薑各等分

右為末空心酒調服方寸匕

以上二方治寒滑

神仙感應丸 產後固無積痢多有因食葷味早亦作瀉痢者百

無一生非此方

也如不因食葷者不可服

之赤石脂圖之
似矣而熱地何
為也大抵腎者
胃之開產後腎
虛氣不能固故
用之欬於食寧
不食寧可服不
可服之理自非
庸人所知

凡治積方不等
而此所集方一
用地黃石脂此
用連翹好墨亦
大異也其他不
過溫氣行氣改
積而已亦奇人
用奇藥於他方
可再冰之

神麴炒三錢

人參

枳殼麴炒去穢各一錢

赤石脂

熟地黃

白朮各二錢

右為細末每服三錢空心米飲調下

連翹丸

治產後久病赤白痢蓋因脾胃不和氣滯積聚所致心

腹脹滿乾嘔酸心飲食不下胸膈噎塞脇肋疼痛危困者

連翹

陳皮去白

京三稜各錢半

肉桂不見火

檳榔

牽牛子

取頭末

蓬朮

青皮去白各一錢

肉荳蔻麴裏煨

好墨各半錢

右為細末麴糊丸如桐子大每服三十丸米飲下或用水煎服

亦可

以上二方治積痢

止血之劑

按木有水毒無
毒之異則其義
亦宜別也

三聖散 治產後下血痢不止

烏魚骨

燒綿灰

血餘灰

汗脂者
各等分

右爲細末每服一錢煎石榴皮湯調下熱服

一方 治產後痢日五十行者

取木裏蠶糞炒黃急以水沃之令稀調得所服之卽愈

治產後諸痢雜方

取蒼耳葉搗汁半盞日三四溫服

一方煮薤白食之

一方羊腎脂炒薤白空心食之

一方敗龜板一枚米醋炙研爲末醋湯調下

治產後血痢雜方

一方用阿膠二兩以酒一升半煮二升頓服

一方用生馬齒莧搗汁二大合煮一沸下蜜二合調頓服

以上雜治方

必効方 療產後痢而渴飲無度數

清心生津

麥門冬三兩

烏梅二十箇

右細剉水一升煮取七合細呷

經効方 療產後久痢津液涸渴不止

清氣生津

龍骨十二分

厚朴

茯苓

黃耆

麥門冬

人參

各八分

生薑

六分

大棗

十四枚

為消渴所宜故
服之

大和脾胃以生
津

右細剉以水一大斗煮取七合空心分兩服

錄驗方

療產後痢日久津液枯竭四肢浮腫口乾舌燥

冬瓜一枚黃泥糊厚五寸煨爛熟去皮絞汁服之痊

七味白朮散 治產後痢津液竭渴不止

方見前渴

以上治痢疾發渴

○大便秘澁

郭稽中曰產後大便秘澁者何答曰產臥水血俱下腸胃虛竭津液不足是以大便秘澁不通也若過五六日腹中悶脹者此乃燥屎在臟腑以其乾澁未能出耳宜服麻仁丸以津潤之若誤以為

有熱投之寒藥則陽消陰長變證百出性命危矣

薛氏曰前證因去血過多大腸乾涸不可計其日期飲食數多而用藥通之必待腹滿覺脹欲去不能者乃結在直腸宜用猪膽汁潤之若服苦寒疎通之劑反傷中氣或愈加難通或通而不止或成痞證也若去血過多者用十全大補湯若血虛火燥者用加味四物湯氣血俱虛者用八珍湯雖數日不通飲食如常腹中如故仍用八珍加桃仁杏仁治之若泥其日期飲食數多而通之則誤矣

一產婦大便不通七日矣飲食如常腹中如故余曰飲食所入雖倍常數腹不滿脹用八珍加桃仁杏仁至二十一日腹滿欲去用

非善導善察者不能